

մկբ.

ՅԲՇ.թի իբր ի 15 ժամուն ծնաւ դուստր սուլթան մուստաֆային, որում եղին անուն Պաէհան սուլթան: Եւ հրամայեցաւ լինիլ տօնանմայ զերիս տիւս, և զերիս գիշերս. և սկսան ի յունվ.ի 4էն: (Հ. Յակոբոս Չամչեանց առ Մեղգունեան, 1766 յունվ.ի 20. [Կ. Պոլիս]):

մկգ.

Պետրոս վարդապետն՝ չըրաին սարգիս վարդապետին եմուտ ի նաւ իզմիրու գնալ յիզմիր, և անտի ի վենետիկ. բայց նաւն բեկեալ ի ծովու մազապուրծ գերծաւ ի մահուանէ և դարձաւ ի ըստամալօլ. բայց այժմ պատրաստեալ է վերստին երթալ ի վենետիկ: Երեւի գալ այդր առնուլ զպատկանեալս տպագրութեան: (Հ. Յակոբոս Չամչեանց առ Մեղգունեան, 1766 փետր. 15. [Կ. Պոլիս]):

մկդ.

Յայտոսիկ աւուրս մեռաւ և մօնսինեօռ Շէրիմանն, իբր յանկարծօրէն, և եթող զիւրն զամեն նայն երկուց նեթօթիցն կրտսեր եղբարց գօնթէ լօրէնցօյին, որ ի վենետիկ. և մնաց նա որ ի հոօմ մերկ և անյոյս: Փոքր պատուով գնաց, որովհետեւ ոչ ումեք եթող ինչ որ իցէր ըստ սովորութեան երկրին, սպասաւորացն ինչ ոչ եթող, և զրազրին իւրոյ միանգամ միայն տաս տասուերկու սկութ եթող զի տացի և այլ այսպիսի միսքին միսքին տրամաբաշխութիւնս: Դանիր և զայս, զի մօնսինեօռ աստիմանին յայտոսիկ աւուրս օրհնեցաւ ի զարտինալ Տեօրօքէն Եպիսկոպոս ինփարթիպոս¹, կարի խնդութեամբ բազմաց: (Հ. Գեորգ Պաղտատեանց առ Հ. Մկրտիչ Անանեանց, 1766 ի դեկ. 26. ի հօտ):

մկե.

Ի գիշերի որում լուսանայր յունվարի 8 ԵՇ.թի, փոնկեցաւ պէյլիկ զալիօն մի, զըզա կոչեցեալ, որ էր խարըսխեալ յանդիման պալըխլըին. և այնու վառմամբ, գնացեալ անկաւ ի վերայ նաւուց, և այրեաց գնաւս ինչ, մի ի նոցանէ լի էր ցորենով: Իսկ յայրեցեալ նաւուց մին գնաց և անկաւ ի վերայ քեօշքին պալատանն՝ այնալը խաւախ կոչեցեալ. և այրեաց զայն, զոր և յայտմամի նորոգեցին...: Իսկ այրեցեալ նաւն արքունի, գնաց ի ճիպալին և անդ այրեաց զբազում տունս հրէից: Ի յունվարի 10, յաւուր շաբաթու, իբր ի 21 ժամու, ծնաւ սուլթան մուստաֆային արու զաւակ. անուն եղին նմա, սուլթան մէհէմէտ. իսկ տօնանման չարարին. զի քարոզ կարդաց վասն տօնանմային լինել ի թագաւորէն՝ հիւմայէ, այսինքն ճապայ... Գարձեալ ի գիշերի, որում լուսանայր ԳՇ.թի յունվարի, 13²: Եւ զկնի շարժին եւ հողմն սաստիկ: Ասեն թէ յայտմ գիշերի ի 11 կամ յ12 ժամէն մինչև ց13 ժամն ելեալ է կամարածև լոյս ինչ, որոյ մի ծայրն էր ի վերայ արքունի պալատին, այսինքն սառա պուռնուին, և միւս ծայրն դէպի Էլիպ կամ ի խափեօյ: Ոմանք թէ և մի ծայրն դէպ ի պօղազ իչին: Ասեն թէ և ի յունվարի 14 ևս, ի նոյն ժամու ելեալ է նոյն լոյսն. սակայն կայր և լոյս լուսնին: (Հ. Յակոբոս Չամչեանց առ Մեղգունեան, 1767 յունվ. 14. [Կ. Պոլիս]):

1. Տեաղոսաւոր եպիսկոպոս:

2. Երկրաշարժի վրայ է խօսքը: